

Gobernua prest dago Gabonen aurretik Barrionuevo eta Verari indultua emateko

Auzitegi Gorenaren txostena garaiz iritsiz gero, bihar bertan hartuko dute erabakia

Ministroen Kontseiluak bihar erabakiko du *Marey kasuko* kondenatuei indultua eman edo ez. Hainbat komunikabideren arabera, Gobernuak iturriek azaldu dute Ministroen Kontseiluak ontzat emango duela Gorenaren erabakia, eta indultu partziala ematea onartuko duela. Josep Piquek atzo egin adierazpenen arabera, indultua ez ematea ez da izango Gobernuaren borondate faltagatik.

Agentziak / Madril

MINISTROEN Kontseilua Barri-nuevo, Vera eta *Marey kasuko* beste kondenatuei indultua emateko prest dago, hainbat komunikabidek atzo ziurtatutakoaren arabera. Gogoratu iragan ostira-lean Auzitegi Gorenaren indultu partzialaren alde agertu zela, eta Gorenaren txostena kontuan hartuta erabaki beharko du Espainiako Gobernuak indultua eman edo ez. Ministroen Kontseiluak du azken erabakia, eta, Gobernuak iturriek Espainiako hainbat komunikabideri ziurtatutakoaren arabera, indultua ematea erabakiko dute. Gorenaren indultu partzialari buruz baka-rrik mintzatu den arren, baina, Ministroen Kontseiluak indultu osoa ematea ere erabaki dezake.

Espainiako Gobernuak boze-ramaile Josep Piquek atzo egin-dako adierazpenen arabera, Gobernuak ez badu bihar eraba-kitzen indultuak ematea ez da izango Gobernuaren «borondate faltagatik», baizik eta prozedura legalek eskatzen duten denborak uzten ez duelako. Gobernuak Ministroen Kontseiluak, baina, ez du arazorik izango indultuen eskaerak bihar tramitatzeke. Izan ere, Europa Press informazio agentziak atzo iragarri zue-nez, Auzitegi Gorenak gaur bidali-ko bere txostena Justizia Ministerioari, indultuen gaineko erabakia bihar bertan har dadin.

Auzitegi Gorenak *Marey kasu-*ko kondenatuen indultuei buruz-ko erabakia iragan ostira-lean hartu zuen arren, txostena ez dago guztiz osatua, Jose Amedo, Michel Dominguez eta Francisco Saiz Ocejari buruzko hainbat datu falta baitituzte. Hala, Gorenak indultu partzialen aldeko erabakia hartu du Julian San-cristobal, Francisco Alvarez, Jose



Jose Barrionuevo eta Rafael Vera, Guadalajarako espetxean egin zuten lehen egunean.

EFE

Barrionuevo, Rafael Vera, Miguel Planchuelo, Ricardo Garcia Dan-borena, Julio Hierro, Francisco Saiz Ocejia, Luis Hens eta Juan Ramon Corujoren kasuetan. Amedo eta Dominguez kasue-tan, berriz, ez da mintzatu bi polizia ohiak hirugarren graduaren baitaude.

Auzitegi Gorenako fiskala atzo azaldu zen Dominguez, Amedo eta Saiz Ocejaren indultuen aurka. Hala ere, Jose Maria Luzon fiskala gainontzeko kondenatuak indultatzearen aurka ere azaldu da, eta Auzitegi Gorenak, fiskala-ren aurkako argudioak aztertu ondoren, indultu partziala ematearen alde egitea erabaki du.

Eguberrietarako kalean • Minis-troen Kontseiluak indultu osoa ematea erabakiko balu, *Marey kasuko* hamar kondenatuak berehala geratuko liriteke aske. Bestalde, Gorenaren aholkuari jarraituz, indultu partzialaren

alde agertuko balitz, Espetxeeta-ko Erakundeek hamar kondenatuen gradu aldaketa erabaki beharko lukete, haiek aske gera-tzeko. Jaime Mayor Orejak atzo azaldukoaren arabera, posible litzateke graduen inguruko biga-rren azterketa bat egitea, Gober-nuak indultu partzialak ematea erabakiko balu.

Gradu aldaketarekin, Barrio-nuevo eta Vera hirugarren gra-dua lortu eta baldintzapeko askatasunean geratuko liriteke. Baina, gradu aldaketak denbora gehiago eskatzen duenez, hiruga-rren gradu ez litzateke Gabonak baino lehen iritsiko. Horretarako, bakoitzak Gabonetarako baimen berezi bat eskatu beharko luke bere espetxean.

Guadalajarako espetxetik atzo jakinarazi zuten, Barrionuevok eta Vera ez dute oraindik Egu-berrietarako baimenik eskatu. Adierazitakoaren arabera, baina, espetxeetako araudiak posible

egiten du hainbat kasutan bai-men bereziak ematea. Gainera, Ministroen Kontseiluak indultu partziala ematea erabakiko balu, baimen berezi hori ematea erra-zagoa litzatekeela azaldu zuten. Baimen horrek, hirugarren gra-dua eman bitartean, Barrionue-vo eta Vera aske egotea ekar dezake.

EAJ indultuen aurka • Barrionue-vo eta Vera indultatzearen auke-rak aldeko eta aurkako iritzia-rik piztu ditu. EAJko diputatu Mar-garita Uriak Espainiako Gober-nuari eskatu dio kontuan har-tzea haien aurkako prozesu gehiago daudela irekita. Bestalde, Esperanza Huelamo Barrio-nuevoren emazteak esan zuen itxaropena duela bere senarrak eta Vera Gabonak etxean igaro-tzeko eta Gobernuak «Gaboneta-ko izpirituak bultzatuta» haiei indultua emateko erabakia har-tzeko.

Borrell: «Ulertezinak dira ETAko presoek aldeko neurriak, GALEkoak indultatu gabe»

ESPAINIAKO presiden-tziarako PSOEko hauta-gaiak atzo azaldu zue-nez, ezinezkoa da ETAko presoek aldeko neurriak ulertzea, ez badira onar-tzen *Marey kasuko* kon-denatuen aldeko indultu eskaerak. «Ezin dira ulertu ETAko presoek aldeko neurriak, GAL auziko kondenatuei indultua eman gabe. Izan ere, argi dago ETA-ko presoek aldeko neu-rriak hartzen diren bitartean, iritzi publiko-ak ezingo lukeela ulertu

terrorismoaren aurkako borrokan hainbesteko lana egin zutenen indultuekin Auzitegi Gorenak berak bidalitako txoste-na kontuan hartuko ez balitz», esan zuen Jose Borrell, Espainiako Gobernuari zuzenduz.

ETAko presoek aldeko neurri horietaz hitz egi-tean, Borrellen irletatik Espainiako hegoaldera eramateko diren 21 pre-soen gaia jarri zuen adi-bide, GALEko kideen indultuekin parekatuz. Borrellen arabera, Azna-

ren Gobernuaren era-baki hori espetxe politi-karen malgutzaren adi-bide garbi bat da. Baina esan zuen onartezina dela neurrien malgutze hori lehenago aplikatzea «egindako hilketak ospa-tu» dituztenei.

Borrell, baina, Jose Barrionuevo eta Rafael Veraren kasuak izan zituen mintzagai, batez ere. Ildo horretan, Auzi-tegi Gorenaren txostena baino interes partidista guztien gainetik dago. X

Kontseiluari eskatu zion bi horientzako indultu osoak ematea eta aske uztea.

Borrellen esan zue-nez, «horrek ez du esan nahi indultuak aurre-tiazko baldintza direnik» Gobernuarekin terroris-moaren aurka kolabora-tzen jarraitu ahal izate-ko. Izan ere, PSOEko buruzagiaren esanetan, «terrorismoarekin behin betiko amaitzeko beha-rra interes partidista guztien gainetik dago». X

laburrean

■ Ziburuko tiroko entrenamendu egoitzari erasotu zioten ostira-lean

ZIBURUKO (Lapurdi) Jean Poulou deitu kiroldegian dagoen tiroko entrenamendu egoitzaren aurka suzko boti-lak jaurti zituzten ostira-lean. Ekintzaren ondorioz, egurrezko atea kaltetu zuten. Ondoko murrut batean, *Preso-ak* Aska aldarrikapena agertu zen euskaraz eta frantsesez. Inkestako iturrien arabera, erasoaren arrazoia joan den astean Parisko Korrekzio Auzitegiak hiru lapurtarri ezarritako zigorrari erantzuna litzateke. Hain zuzen ere, hiru urteko presondegi zigorra eza-rriz zuten Urrutikoetxea, Prieto eta Esparza gazteei. Gisa berean, entrenamendu egoi-tzara joan ohi diren polizia-zuzendutako ekimena izan daitekeela azaldu dute iturri berek. X

■ UPNko ordezkarien aurkako kartelak jarri dituzte presoek egoera leporatuz Iruñea eta Burlatan

IRUÑEKO UDALEKO UPNko zinegotzi Maribel Beriain eta alderdi bereko Juan Gonzalez Mateo parlamentarioaren aurkako kartelak jarri dituzte iragan asteburuan Iruñea eta Burlatan. Aipatu karteletan Beriain eta Gonzalez, aurretik PPko eta UPNko beste hainbat hautetsiri bezala, presoek egoeraren erantzule egiten zaien. «Presoen eskubi-deen bortxatzaile» eta «kartze-lero» hitzak irakur daitezke karteletan, eta, UPNko orde-zkariak azaldu dutenez, baita paretetan egin dituzten zen-bait pintadatan ere. Bestalde, herenegun gaueko 23:30etan Iruñeko kutzazain baten aurkako eraso bat egon zela jakinarazi zuen atzo Nafarroako Gobernuak. Esan zuten, gasolinaz egindako eraso bat izan daiteke, kutzazainaren inguruan plastikozko ontzi bat aurkitu baitzuten. X

■ Espainiako erregearen Eguberri mezua EITBn zuzenean botatzea eskatu du PPK

PP-KO legebiltzarkide Carlos Urquijok Espainiako erregearen Gabonetako mezua EITBn zuzenean ematea nahi du. Horretarako, Iñaki Anasagasti eskatu dio horren garrantzia azal diezaien EITBko zuzendariari. «Lasaitu egiten gaitu ikusteak Anasagastik zenbateko garrantzia ematen dion erregearen mezuari. Horregatik, bere aldetik duen guztia jar dezala eskatzen diogu, EAEko telebista zuzenean ikusteko aukera izan deza-gun. Tamalez, EITB baita urteotan mezua zuzenean eman ez duen telebista publi-ko bakarra», esan zuen. X

Bechstein piano bat
erosteagatik lau
ahotseko trikitixa bat
oparitzen dugu.

J Bengoa

Bulebarreko Arkupeetan - DONOSTIA